



Minjastofnun
Íslands

The Cultural
Heritage Agency
of Iceland

Múlaþing
Lyngás 12
700 Egilsstaðir

Djúpivogur, 8. ágúst 2023
MÍ202306-0104/ 6.09 / Þ.E.H.

Minjavörður Austurlands
Bakka 1 765 Djúpavogi

Efni: Snjóflóðavarnargarðar undir Bjólfi, Múlaþing – vinnslutillaga breytingar á deiliskipulagi

Minjastofnun Íslands hefur móttengið umsagnarbeiðni sveitarfélagsins Múlaþings frá 16. júní 2023 þar sem óskað var eftir umsögn stofnunarinnar varðandi vinnslutillögu breytingar á *Deiliskipulagi ofanflóðavarnargarða á Seyðisfirði*, sem var samþykkt árið 2021, vegna varnarkeila norðan Öldugarðs. Hægt var að hala breytingartillögunni niður, dags. 08.06.2023 en samhliða henni var kynnt skipulagslýsing breytingartillögunnar, dags. 10.05.2023.

Breytingin felur í sér aukna snjóflóðavarnir í Bjólfshlíðum á Seyðisfirði en markmið þeirra er að draga úr ofanflóðhættu á iðnaðar- og hafnarsvæðinu í fjarðarbotninum. Samhliða breytingunni er unnið að aðalskipulagsbreytingu. Breytingin tekur til uppdráttar og greinargerðar. Á uppdrætti er skipulagssvæði ofanflóðvarna stækkað og gert er grein fyrir fyrirhuguðum snjóflóðavarnarkeilum. Breyting í greinargerð felur í sér textabreytingu í ákveðnum köflum þar sem gert er grein fyrir fimm varnarkeilum norðan Öldugarðs.

Í greinargerðinni er talað um skráðar minjar og segir þar að í töflu í viðauka yfir skráðar minjar á svæðinu uppfærast mótvægisáðgerðir fyrir eftirfarandi minjar; matjurtargarð (62), skotgröf (117), matjurtargarð (118) og túngarð (119).

Í umhverfismatsskýrslu er lagt mat á ákveðna umhverfisþætti og þar á meðal eru menningarminjar. Áhrifin eru metin neikvæð á minjar og er lögð áhersla á að fara í þær mótvægisáðgerðir sem nauðsynleg eru.

Athugasemdir Minjastofnunar Íslands:

Þrjár fornleifaskráningar hafa farið fram innan svæðisins. Árið 2009 skráðu Bjarki Borgþórsson og Ólafur Pétursson fornleifar á Seyðisfirði í tengslum við gerð aðalskipulags; *Fornleifaskráning Seyðisfjarðar. Unnin vegna aðalskipulags Seyðisfjarðarkaupstaðar 2009-2029*. Sú skráning uppfyllir ekki skráningarstaðla Minjastofnunar Íslands. Árið 2019 vann Byggðasafn Skagfirðinga fornleifaskráningu vegna umhverfismats ofanflóðvarna undir Bjólfi; *Mat á umhverfisáhrifum vegna snjóflóðavarnargarða í Seyðisfirði* (skýrsla nr. 2019/218). Sú skráning nær yfir svæðið að hluta. Árið 2021 vann Antikva ehf. fornleifaskráningu vegna deiliskipulagsgerðar svæðisins og birtust niðurstöður þeirrar skráningar í skýrslu; *Seyðisfjörður. Fornleifaskráning vegna deiliskipulags. Snjóflóðavarnargarða undir Bjólfshlíðum á Seyðisfirði*. Úttektarsvæði þeirrar fornleifaskráningar nær yfir það framkvæmdasvæði sem hér er verið að gera breytingu á.

**Puríður Elísa
Harðardóttir**

Minjavörður Austurlands
thuridur@minjastofnun.is

Fjórar fornleifar eru innan svæðisins. **Matjurtargarður (118), túngarður (119), matjurtargarður (62) og leið (44)**. Einn annar minjastaður er innan svæðisins sem telst ekki til fornleifa samkvæmt lögum um menningarminjar nr. 80/2012 en það er **skotbyrgi (117)**.

Minjastofnun Íslands veitti umsögn um hvort fyrirhugaðar framkvæmdir skyldu háðar mati á umhverfisáhrifum. Þar fór stofnunin fram á rannsókn á matjurtargarði (118) og matjurtargarði (62) en áður hafði rannsókn verið gerð á túngarði (119). Þessar rannsóknir voru unnar í samráði við Minjastofnun Íslands og er nú lokið. Skráning leiðar (44) er talin fullnægjandi mótvægisáðgerð.

Skráningu fornleifa er lokið innan þess svæðis sem ofangreind breytingartillaga nær yfir. Þær rannsóknir sem stofnunin fór fram á að yrðu gerðar vegna fornleifa í hættu er nú lokið en þær voru gerðar í samráði við Minjastofnun Íslands. Engin hús standa innan svæðisins.

Ekki fylgdi með uppfærður deiliskipulagsuppdráttur. Færa þarf uppmælingar skráðra fornleifa inn á skipulagsuppdrátt. Ekki er gert grein fyrir leið (44) en hún liggur þvert yfir svæðið. Uppfæra þarf töflu 1 þar sem hennar er gerð skil.

Minjastofnun Íslands gerir ekki athugasemdir við fyrirhugaða breytingu á deiliskipulag ofanflóðvarna á Seyðisfirði með því skilyrði að brugðist sé við athugasemdum stofnunarinnar hér að ofan. Rétt er að vekja athygli á 2. mgr. 24. gr. laga um menningarminjar nr. 80/2012 en þar segir:

Ef fornminjar sem áður voru ókunnar finnast við framkvæmd verks skal sá sem fyrir því stendur stöðva framkvæmd án tafar. Skal Minjastofnun Íslands láta framkvæma vettvangskönnun umsvifalaust svo skera megí úr um eðli og umfang fundarins. Stofnuninni er skylt að ákveða svo fljótt sem auðið er hvort verki megí fram halda og með hvaða skilmálum. Óheimilt er að halda framkvæmdum áfram nema með skriflegu leyfi Minjastofnunar Íslands.

Nánari upplýsingar veitir undirrituð.

Virðingarfyllst,



Purrður Elísa Harðardóttir
Minjavörður Austurlands

Afrit sent í tölvupósti:

Skipulagsstofnun (skipulag@skipulag.is)

Skipulagsfulltrúi Múlapings (skipulagsfulltrui@mulathing.is)

Sóley Valdimarsdóttir (soley.valdimarsdottir@mulathing.is)